

Expediente cofinanciado pola Unión Europea-FEMPA
2.2.3 Mellora da comercialización no marco da calidade e o valor engadido dos produtos, envases e
presentacións dos produtos pesqueiros e acuícolas.
Porcentaxe cofinanciamento medida: 70% FEMPA e 30% Estado membro

**ACORDO DE COLABORACIÓN ENTRE A CONSELLERÍA DO MAR DA XUNTA DE GALICIA E
A AXENCIA PARA A MODERNIZACIÓN TECNOLÓXICA DE GALICIA (AMTEGA) PARA O
FINANCIAMENTO SUSTENTABLE DO DESENVOLVEMENTO EVOLUTIVO DO PROXECTO
LONXAS GALEGAS 4.0 PARA A MODERNIZACIÓN TECNOLÓXICA DOS
ESTABLECEMENTOS DE PRIMEIRA VENDA DE PRODUTOS DO MAR NO MARCO DO
FONDO EUROPEO MARÍTIMO, DA PESCA E DA ACUICULTURA (FEMPA)**

En Santiago de Compostela a 6 de abril de 2026

Dunha parte, Marta Villaverde Acuña, conselleira do Mar, actuando en nome e representación da Consellería do Mar da Xunta de Galicia, en virtude das facultades recoñecidas polo artigo 34 da Lei 1/1983, do 22 de febreiro, de normas reguladoras da Xunta e a súa presidencia.

Doutra parte, Damián Rey Rodríguez, director da Axencia para a Modernización Tecnolóxica de Galicia (co NIF Q1500382E), actuando en nome e representación da dita Axencia, en virtude das facultades conferidas polo Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, modificado polo Decreto 9/2021, do 21 de xaneiro, polo que se suprime o Centro Informático para a Xestión Tributaria, Económico-Financeira e Contable (Cixtec) e se modifica o Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, e polo Decreto 117/2025, do 29 de decembro, polo que se nomea director da Axencia para a Modernización Tecnolóxica de Galicia.

As partes recoñécense capacidade e representación suficientes para formalizar o presente acordo de colaboración, e na súa virtude

Expediente cofinanciado pola Unión Europea-FEMPA
2.2.3 Mellora da comercialización no marco da calidade e o valor engadido dos produtos, envases e presentacións dos produtos pesqueiros e acuícolas.
Porcentaxe cofinanciamento medida: 70% FEMPA e 30% Estado membro

EXPOÑEN:

PRIMEIRO.- Que o Estatuto de Autonomía de Galicia atribúe á Comunidade Autónoma, no seu artigo 28º, a competencia para o desenvolvemento legislativo e a execución da lexislación do Estado no ámbito da ordenación do sector pesqueiro. Neste sentido, o artigo 3.4 da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, inclúe dentro das materias correspondentes á competencia da Comunidade Autónoma as relativas á ordenación do sector pesqueiro galego, á ordenación das estruturas, os mercados, a comercialización, a manipulación, a transformación e a conservación dos produtos pesqueiros. Así mesmo, no seu artigo 2.7, a citada Lei destaca: "7. Desenvolver e mellorar os procesos de comercialización e transformación dos produtos pesqueiros, así como fomentar o exercicio dun comercio responsable que garanta a calidade, a trazabilidade e a identificación dos produtos."

A Consellería do Mar ten entre os seus obxectivos prioritarios a potenciación, difusión e promoción dos sectores e produtos pesqueiros galegos, co fin de intensificar o coñecemento dos mesmos e incrementar así a súa competitividade. Neste senso, o desenvolvemento de sistemas de información redundará nunha xestión máis eficiente do sector pesqueiro, tanto no relativo a unha produción máis sostible, a unha boa comercialización, unha mellora na trazabilidade dos produtos e un incremento da seguridade alimentaria.

SEGUNDO.- Que, segundo o artigo 9 do Estatuto da Axencia para a Modernización Tecnolóxica de Galicia, aprobado polo Decreto 252/2011, do 15 de decembro, e do posterior Decreto 9/2021, do 21 de xaneiro, polo que se suprime o Centro Informático para a Xestión Tributaria, Económico-Financeira e Contable (CIXTEC) e se modifica o Decreto

Expediente cofinanciado pola Unión Europea-FEMPA
2.2.3 Mellora da comercialización no marco da calidade e o valor engadido dos produtos, envases e
presentacións dos produtos pesqueiros e acuícolas.
Porcentaxe cofinanciamento medida: 70% FEMPA e 30% Estado membro

252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, a Amtega ten entre as súas competencias, a dirección e xestión de todas as actuacións da Xunta en materia de tecnoloxías da información e as comunicacións e o deseño e liderado de iniciativas que contribúan a impulsar o desenvolvemento da sociedade da información en Galicia, garantindo os dereitos dos cidadáns e eliminando as barreiras que se opoñan á expansión e ao uso das novas tecnoloxías.

Así mesmo, de acordo co artigo 5 do Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, queda desconcentrada na persoa titular da dirección da Amtega a competencia para subscribir con entidades públicas e privadas, en nome da Amtega, convenios de colaboración excluídos da lexislación de contratos do sector público.

TERCEIRO.- O Regulamento (UE) 2021/1139 do Parlamento Europeo e do Consello do 7 de xullo de 2021 polo que se establece o Fondo Europeo Marítimo, de Pesca e de Acuicultura, e polo que se modifica o Regulamento (UE) 2017/1004, establece no seu artigo 3 que o FEMPA contribuirá á aplicación da POLÍTICA PESQUEIRA COMÚN (PPC) e da política marítima da Unión, tendo entre as súas prioridades a de fomentar as actividades sustentables de acuicultura, así como a transformación e comercialización de produtos da pesca e a acuicultura, contribuíndo así á seguridade alimentaria na Unión (prioridade 2).

No artigo 26 do devandito Regulamento (UE) 2021/1139 establécese que o apoio no marco da prioridade 2 anteriormente mencionada, abarcará intervencións que contribúan á consecución dos obxectivos da PPC establecidos no artigo 2 de Regulamento (UE) 1380/2013, por medio de determinados obxectivos específicos, entre os que se atopan a de promover a comercialización, a calidade e o valor engadido dos produtos da pesca e da acuicultura.

A través da Decisión de Execución da Comisión de 29/11/2022 apróboase o programa "Fondo Europeo Marítimo, de Pesca e de Acuicultura: Programa para España" onde España,

Expediente cofinanciado pola Unión Europea-FEMPA
2.2.3 Mellora da comercialización no marco da calidade e o valor engadido dos produtos, envases e presentacións dos produtos pesqueiros e acuícolas.
Porcentaxe cofinanciamento medida: 70% FEMPA e 30% Estado membro

co FEMPA como principal instrumento de apoio establece, entre os seus obxectivos para o período 21-27, o de modernizar, dinamizar e actualizar toda a cadea comercial, desde a produción ao consumidor final, establecendo como meta a acadar o aumentar o valor engadido da industria e cadea comercial, garantindo a súa permanencia a longo prazo e o entramado socioeconómico directo e indirecto asociado. Para acadar este obxectivo estratéxico establécese como prioritario, entre outros, a innovación e desenvolvemento tecnolóxico para a valorización e transición dixital, a dixitalización, trazabilidade, sistemas de control e sanidade así como a seguridade alimentaria e desenvolvemento de sistemas de comunicación e intercambio de información para afrontar os riscos sanitarios.

Así o devandito programa "Fondo Europeo Marítimo, de Pesca e de Acuicultura: Programa para España" contempla, de cara a acadar o obxectivo específico 2.2 "promover a comercialización, a calidade e o valor engadido dos produtos da pesca e da acuicultura, así como da transformación de ditos produtos" mediante o "Fomento da comercialización no marco da calidade e o valor engadido dos produtos, envases e presentacións dos produtos pesqueiros", apoiar accións que axuden a promover e favorecer a comercialización dos produtos incrementado o seu valor engadido mediante sistemas de certificación, valorizando produtos e subprodutos, así como desenvolvendo ferramentas técnicas e tecnolóxicas que reforcen a rastrexabilidade e seguridade alimentaria.

Deste xeito o Programa apoia, entre outros, a realización de aplicacións e desenvolvementos tecnolóxicos e informáticos para o fomento da calidade, seguridade alimentaria e valor engadido para a contribución á transparencia da produción e os mercados, así como, a trazabilidade dos produtos, o uso de novas tecnoloxías na comercialización, o fomento e impulso de rexistro e comercialización dun produto determinado de conformidade co Regulamento 1151/2012 ou de produtos da acuicultura ecolóxica en virtude do Regulamento 2018/848, o fomento da certificación e comercialización dos produtos da pesca e a acuicultura sostibles incluídos os produtos da pesca costeira artesanal e acuicultura de pequenos operadores e o fomento da presentación e envasado de produtos.

Expediente cofinanciado pola Unión Europea-FEMPA
2.2.3 Mellora da comercialización no marco da calidade e o valor engadido dos produtos, envases e
presentacións dos produtos pesqueiros e acuícolas.
Porcentaxe cofinanciamento medida: 70% FEMPA e 30% Estado membro

Polo tanto, o obxecto do acordo considérase que cumpre cos requisitos de elixibilidade (S) establecidos no Programa Operativo do FEMPA 2021-2027 de España

Así mesmo, consideraranse elixibles (S) tódolos custes segundo o previsto no artigo 64 do Regulamento (UE) 2021/1060, do Parlamento Europeo e do Consello, do 24 de xuño de 2021 polo que se establecen as disposicións comúns relativas ao Fondo Europeo de Desenvolvemento Rexional, ao Fondo Social Europeo Plus, ao Fondo de Cohesión, ao Fondo de Transición Xusta e ao Fondo Europeo Marítimo, de Pesca e de Acuicultura, así como as normas financeiras para os devanditos Fondos e para o Fondo de Asilo, Migración e Integración, o Fondo de Seguridade Interior e o Instrumento de Apoio Financeiro á Xestión de Fronteiras e a Política de Visados.

Polo tanto, de conformidade co disposto no artigo 41 do REGULAMENTO (UE) N° 2021/1139, de 7 de xullo, polo que se establece o FEMPA, a porcentaxe do investimento elixible será do 100%.

CUARTO.- A Lei 14/2013, do 26 de decembro, de racionalización do sector público autonómico, establece no seu artigo 14 que a Administración xeral da Comunidade Autónoma e as entidades do sector público, ou estas entre elas, poderán formalizar acordos de colaboración ou cooperación para o servizo aos intereses xerais mediante o desempeño conxunto de tarefas de interese público da súa competencia.

A colaboración ou cooperación consistirá na participación conxunta e efectiva no desenvolvemento da actividade común, mediante achegas de traballos de organización, medios persoais e materiais ou recursos financeiros para a finalidade compartida, de acordo coas respectivas competencias, e será sempre diferente das estruturas contractuais onerosas reguladas na lexislación de contratos do sector público.

Por outra banda, o Consello da Xunta, na súa xuntanza do 1 de agosto de 2014, acordou aprobar "as instrucións para o establecemento dun modelo de sustentabilidade para a dixitalización dos servizos públicos".

Expediente cofinanciado pola Unión Europea-FEMPA
2.2.3 Mellora da comercialización no marco da calidade e o valor engadido dos produtos, envases e
presentacións dos produtos pesqueiros e acuícolas.
Porcentaxe cofinanciamento medida: 70% FEMPA e 30% Estado membro

QUINTO.- Con data 6 de xullo de 2023 asinouse o ACORDO DE COLABORACIÓN ENTRE A CONSELLERÍA DO MAR DA XUNTA DE GALICIA E A AXENCIA PARA A MODERNIZACIÓN TECNOLÓXICA DE GALICIA (AMTEGA) PARA O FINANCIAMENTO SUSTENTABLE DO DESENVOLVEMENTO EVOLUTIVO DO PROXECTO LONXAS GALEGAS 4.0 PARA A MODERNIZACIÓN TECNOLÓXICA DOS ESTABLECEMENTOS DE PRIMEIRA VENDA DE PRODUTOS DO MAR NO MARCO DO FONDO EUROPEO MARÍTIMO, DA PESCA E DA ACUICULTURA (FEMPA) co obxectivo de establecer as pautas que se seguirán na colaboración entre a Consellería do Mar e a Axencia para a Modernización Tecnolóxica de Galicia para o desenvolvemento evolutivo do proxecto Lonxas Galegas 4.0 para a modernización tecnolóxica dos establecementos de primeira venda dos produtos do mar e dos procesos que neles se desenvolven, no marco do Fondo Europeo Marítimo, da Pesca e da Acuicultura (FEMPA), con vixencia ata o 30 de decembro de 2025; acordo posteriormente modificado mediante adendas subscritas o 15 de novembro do 2024 , o 30 de decembro do 2024 e o 3 de decembro do 2025.

O acordo mencionado e as súas posteriores adendas permitiron instrumentar o soporte e mantemento evolutivo (melloras) dos sistemas de modernización tecnolóxica dos establecementos de primeira venda dos produtos do mar e dos procesos que neles se desenvolven (Lonxas Galegas 4.0) , constituíndose en pezas chave na xestión do sector; sendo necesario continuar a súa evolución incorporando novas funcións en consonancia coa evolución normativa e as propias necesidades do sector, así como as oportunidades que a actualización e evolución tecnolóxica abren.

SEXTO- Desde a efectividade da integración na Amtega dos servizos, recursos económicos e persoal de tecnoloxías da información e comunicacións da Consellería do Mar, a contratación en materia de Tecnoloxías da Información e as Comunicacións corresponde, con carácter exclusivo, á Axencia para a Modernización Tecnolóxica de Galicia.

Expediente cofinanciado pola Unión Europea-FEMPA
2.2.3 Mellora da comercialización no marco da calidade e o valor engadido dos produtos, envases e
presentacións dos produtos pesqueiros e acuícolas.
Porcentaxe cofinanciamento medida: 70% FEMPA e 30% Estado membro

Non obstante, en atención a súa tipoloxía, os expedientes financiados con fondos FEMPA continuarán sendo xestionados pola Consellería do Mar ata que pola Amtega se cumpran todos os requisitos legalmente establecidos para asumir a xestión antedita.

SÉTIMO- Os acordos actuais mencionados no punto QUINTO finalizan a súa vixencia o 30 de decembro do 2026, mais cómpre impulsar e definir novas actuacións en relación co obxecto así como os termos de colaboración, para impulsar a cobertura das necesidades definidas no acordo inicial, nun novo acordo de colaboración xunto cos recursos orzamentarios necesarios para ese obxectivo.

Tendo isto en conta, e de cara a conciliar esta excepción coa competencia exclusiva da Amtega para a dirección e xestión de todas as actuacións da Xunta en materia de tecnoloxías da información e as comunicacións, cómpre levar á cabo este acordo de colaboración para o soporte dos traballos, cofinanciados con FEMPA, que teñen como obxecto principal o desenvolvemento evolutivo do proxecto LONXAS GALEGAS 4.0 para a modernización tecnolóxica dos establecementos de primeira venda de produtos do mar; traballos que deben ser dirixidos, e coordinados pola Amtega.

Seguindo o modelo de sustentabilidade para dixitalización dos servizos públicos, a Consellería do Mar, e a Axencia para a Modernización Tecnolóxica de Galicia manifestan a súa vontade de colaboración e con tal finalidade acordan a sinatura do presente acordo con suxeición ás seguintes

CLÁUSULAS:

Primeira: Obxecto

Expediente cofinanciado pola Unión Europea-FEMPA
2.2.3 Mellora da comercialización no marco da calidade e o valor engadido dos produtos, envases e
presentacións dos produtos pesqueiros e acuícolas.
Porcentaxe cofinanciamento medida: 70% FEMPA e 30% Estado membro

O obxecto do presente acordo é establecer as pautas que se seguirán na colaboración entre a Consellería do Mar e a Axencia para a Modernización Tecnolóxica de Galicia para o desenvolvemento evolutivo do proxecto Lonxas Galegas 4.0 para a modernización tecnolóxica dos establecementos de primeira venda dos produtos do mar e dos procesos que neles se desenvolven, no marco do Fondo Europeo Marítimo, da Pesca e da Acuicultura (FEMPA) .

Segunda: Financiamento

O importe da achega da Consellería do Mar para a execución do obxecto mencionado na cláusula primeira ascenderá a un máximo de 2.010.000 € IVE incluído, para os anos 2026, 2027 e 2028.

Estes importes serán obxecto de retención de crédito nas seguintes aplicacións orzamentarias e proxectos do seu orzamento:

Anualidade 2026.16.02.723B.640.1, código de proxecto 2023 00198 S por importe de 10.000 € € (70 % FEMP, e 30 % Fondos propios da Comunidade Autónoma)

Anualidade 2027.16.02.723B.640.1, código de proxecto 2023 00198 S por importe de 1.100.000 € (70 % FEMP, e 30 % Fondos propios da Comunidade Autónoma)

Anualidade 2028.16.02.723B.640.1, código de proxecto 2023 00198 S por importe de 900.000 € (70 % FEMP, e 30 % Fondos propios da Comunidade Autónoma)

Esta actuación encadrase dentro da Prioridade e Obxectivo específico 2.2.3 Fomento da comercialización no marco da calidade e o valor engadido dos produtos , envases e presentacións dos produtos pesqueiros e acuícolas, do Programa para España do Fondo Europeo Marítimo, da Pesca e da Acuicultura (FEMPA) para 2021-2027.

Expediente cofinanciado pola Unión Europea-FEMPA
2.2.3 Mellora da comercialización no marco da calidade e o valor engadido dos produtos, envases e
presentacións dos produtos pesqueiros e acuícolas.
Porcentaxe cofinanciamento medida: 70% FEMPA e 30% Estado membro

Terceira: Actuacións a desenvolver

Ao abeiro deste acordo, pola Axencia para a Modernización Tecnolóxica de Galicia, desenvolveranse os seguintes proxectos:

- Desenvolvemento evolutivo e apoio na solución de comercialización dispoñible (SISCOM), que permite a partires da información obtida na identificación, clasificación e pesada das capturas descargadas na lonxa, a súa poxa nas distintas modalidades, a emisión dos documentos relacionados coa comercialización dos produtos, a xeración das notas de primeira venda e a súa correcta transmisión á autoridade competente. En particular potenciaranse a difusión do proxecto, impulsando a comercialización e as canles de poxa e compra dando para isto apoio aos centros de venda autorizados en cada lonxa
- Desenvolvemento evolutivo a apoio na solución de xestión dispoñible (XESLON) para as lonxas/confrarías, que permite a xestión da actividade propia da lonxa e da confraría (comercialización, subministracións, prestación de servizos, ...), a xestión da contabilidade, a xestión de cobros e pagos, a xestión dos impostos coas distintas administracións públicas e a xestión social da entidade (censo, información de interese, ...). Darase soporte para a implantación do novo sistema que se está a desenvolver, facilitando a súa implantación e uso nas confrarías e entidades participantes na iniciativa

Sen prexuízo do establecido nesta cláusula, a colaboración derivada deste acordo poderá ser obxecto do desenvolvemento e concreción necesarios que sexa preciso, a través dos instrumentos ou das actuacións que se estimen necesarias para a súa consecución, de conformidade coa normativa vixente.

Cuarta.- Compromisos das partes

Ao abeiro deste acordo, pola Amtega desenvolveranse os seguintes compromisos:

Expediente cofinanciado pola Unión Europea-FEMPA
2.2.3 Mellora da comercialización no marco da calidade e o valor engadido dos produtos, envases e presentacións dos produtos pesqueiros e acuícolas.
Porcentaxe cofinanciamento medida: 70% FEMPA e 30% Estado membro

A tramitación administrativa e adxudicación do contrato ou contratos que teñan lugar para a realización do obxecto anteriormente definido. Para elo, a Amtega, como órgano de contratación, iniciará e aprobará os correspondentes expedientes de contratación. A Amtega actuará no expediente de contratación e na execución do contrato en nome e por conta das partes participantes neste acordo e poderá exercer todas as potestades que a lexislación lle reconece ao órgano de contratación fronte ao contratista, sen prexuízo da adecuada coordinación nas relacións internas coa Consellería do Mar.

- O seguimento e a dirección das actuacións obxecto do acordo e contratos derivados do mesmo
- O cumprimento das medidas de información e publicidade establecidas na cláusula sétima do presente acordo
- O expediente de contratación tramitarase consonte aos pasos e documentos establecidos no Manual Xeral de Procedemento para a Xestión, Seguimento e Control das Operacións Financiadas polo Fondo Europeo Marítimo, de Pesca e de Acuicultura (Programa Operativo 2021 - 2027), para o que se contará coas indicacións e apoio por parte das unidades da Consellería de Mar responsables do seguimento e coordinación dos proxectos con financiamento FEMPA.

Ao abeiro deste acordo, pola Consellería do Mar, desenvolveranse os seguintes compromisos:

- A tramitación económica e o financiamento dos expedientes de contratación derivados do presente acordo
- O abono ao contratista ou contratistas polos servizos prestados, nos termos establecidos no contrato e segundo o prezo de adxudicación, unha vez recibidos de conformidade e certificados pola AMTEGA.

Expediente cofinanciado pola Unión Europea-FEMPA
2.2.3 Mellora da comercialización no marco da calidade e o valor engadido dos produtos, envases e
presentacións dos produtos pesqueiros e acuícolas.
Porcentaxe cofinanciamento medida: 70% FEMPA e 30% Estado membro

A Axencia para a Modernización Tecnolóxica de Galicia e a Consellería do Mar, desenvolverán de xeito conxunto os seguintes compromisos:

- Elaboración dos pregos de cláusulas administrativas particulares e de prescricións técnicas
- Participación no órgano de contratación, que estará asistido, se fose necesario, por unha Mesa de Contratación constituída por persoal da Amtega, e un representante designado pola Consellería do Mar. Tamén poderá participar persoal de ambas partes na emisión dos informes técnicos.

Asemade desenvolverase polas partes calquera outra actuación que, sendo complementaria das anteriores, acorden a Consellería do Mar e a Amtega, sempre que o seu custo estimado non supere o importe da achega máxima da Consellería recollido na cláusula segunda.

No caso de actuacións que supuxeran un engadido temporal ou financeiro sobre o marco establecido no presente acordo, poderán subscribirse as addendas que ambas partes acorden.

A titularidade dos sistemas e calquera resultado obtido coa execución das actividades obxecto do presente acordo, será da Amtega, conforme ás súas competencias.

Quinta.- Medidas de Publicidade do FEMPA

A AMTEGA haberá de cumprir, naqueles proxectos con financiamento FEMPA, coas medidas de información, comunicación e publicidade establecidas no artigo 60

Expediente cofinanciado pola Unión Europea-FEMPA
2.2.3 Mellora da comercialización no marco da calidade e o valor engadido dos produtos, envases e
presentacións dos produtos pesqueiros e acuícolas.
Porcentaxe cofinanciamento medida: 70% FEMPA e 30% Estado membro

Regulamento 2021/1139, de 7 de xullo, e demais disposicións que se establezan ao efecto.

Sexta.- Vixencia

Este acordo producirá os seus efectos a partir da data da súa sinatura e a súa vixencia estenderase ata o momento que cese o desenvolvemento nel previsto, e como data límite o 30 de decembro de 2028; sen prexuízo das posibles prorrogas ou addendas que durante a vixencia do mesmo puideran considerar axeitadas establecer as partes asinantes.

Sétima.- Publicidade do acordo

Será de aplicación no relativo á publicidade e rexistro do acordo de colaboración o disposto na Lei 1/2016, do 18 de xaneiro, de transparencia e bo goberno.

Procederáse a súa inscrición no Rexistro de Convenios, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de Convenios da Xunta de Galicia.

Oitava.- Réxime xurídico e resolución de conflitos

Este acordo de colaboración ten natureza administrativa, e rexeráse pola Lei 14/2013, do 26 de decembro, de racionalización do sector público autonómico e pola demais normativa de aplicación.

As discrepancias que poidan producir resolveranse nos termos previstos no artigo 13 da Lei 16/2010, do 17 de decembro, de organización e funcionamento da

Expediente cofinanciado pola Unión Europea-FEMPA
2.2.3 Mellora da comercialización no marco da calidade e o valor engadido dos produtos, envases e
presentacións dos produtos pesqueiros e acuícolas.
Porcentaxe cofinanciamento medida: 70% FEMPA e 30% Estado membro

Administración xeral e do sector público autonómico de Galicia, para os conflitos de atribucións.

En proba de conformidade, as partes asinan dixitalmente a presente addenda

Pola Consellería do Mar

Pola AMTEGA

A conselleira: Marta Villaverde Acuña

O director: Damián Rey Rodríguez